

永新縣志卷之五



賜進士出身資善大夫南京禮部尚書致仕邑洞麓耆史尹

賜同進士出身文林郎知永新縣事嘉定龔錫爵校

人物下第十

忠節 文學

義烈 隱逸

孝友 寓賢

儒行 列女

忠節

唐賀泰前縣令憑之子也唐末黃巢之亂主帥檄泰將兵扞金陵適賊自關陝乘勝攻剽南下沂江將入廣泰提金陵兵反趨洪州邀擊之大戰象牙潭賊佯退頃之復麾兵夾攻泰挺身對陳賊不敢逼後以饒信諸郡縣竝陷遂力竭斃於軍洪人德

永新縣志卷之五

一

之封墓江口廟祀焉詔贈武翼大夫

宋左譽登紹定五年進士授復州景陵尉蒞任未幾遭虜兵大至城陷譽被執不屈母妻暨子凡十三人同日遇害事聞詔祠於岳陽賜額閔忠特贈承事郎誥詞褒其忠比之唐張巡焉未有岳陽立廟視睢陽無異之語其烈可概見矣後加贈員外郎官其嗣

彭震龍字雷可文信國女弟之夫性跌宕喜功名信國起兵勤王補宣教郎帶行大社令知永新縣事信國空坑之敗震龍遯歸郡邑望風摧陷震龍

乃結邑人張履翁顏思理及諸豪室歃血倡義興復信國自嶺海引師出江西聲勢復振多震龍之功未幾復敗震龍等猶城守誓弗下宋叛將劉槃引元兵襲攻弗支城竟陷震龍罵槃不屈被害而城因以屠今從祀大忠祠

張履翁世居城東文信國署爲學士院檢閱文字糾族募兵與震龍思理歃血盟城以應勤王之師所親諷之曰脫不勝如禍延九族何履翁曰吾世受宋恩願一死報之耳後城陷被執不屈死之嘉靖閒族裔喬以其事白御史上奏 詔從祀文信

公祠

蕭燾夫與兄敬夫並文信公幕客燾夫爲詩有豪俊氣信國起兵補爲從事郎及震龍履翁輩謀興復燾夫力贊之其後城不守兄弟皆死劉槃之難元姚正叔元季兵亂正叔集義兵保障後四年乙未紅巾寇大至一門父叔子弟並死之

賀仲英清塘人慷慨好義至正末湖北盜侵邑境仲英以保障鄉閭功補義兵巡檢未幾湖南崗獠乘亂復來攻城仲英率其從子德慶德新與戰大敗之賊忿合他寇并勢逼城仲英曰不掃其巢城

終不可守也遂賈勇深入戰死於閭溪從子理安追賊奪骸而歸

戴宗濂字冽夫元廬陵簿母老棄官歸養時紅巾寇起宗濂糾義旅捍鄉社高皇帝定江南聞其名召至京授以官不屈謫修都城死金陵後其子孫多仕顯邑令陸粲傳其事謂其死與昔鄭君不聽漢祖更籍名同義乃其後貴盛亦畧與鄭君等天於忠義之報固有意哉人以爲知言

義烈

五代劉景洪晉安成大守退之後家富樂施予冬

月稻不時刈日以資烏雀寒凍食山林縱旁近民樵採曰貧者禁之則艱爨初楊行密攻吉州僞刺史彭玕屬景洪以兵脅永新使附湖南景洪佯許之玕奔湖南景洪竟以州歸行密民得免禍難徐溫建國禮聘景洪辭不赴嘗曰吾解二國之兵活人多矣子孫其有興乎名其北山曰後隆年九十卒子煦事南唐爲殿直都虞侯歸宋官宣政院承旨歷三世至沈入相景洪與子煦孫素並贈官中

書令

宋曾裕性倣儻好義熙寧閒邑大饑散緡錢給濟

無算明年復爲糜於道以飼孳者鄰壤乞飼輩日
萬計所全活多不可殫舉安撫使劉瑾檄邑上聞
欲先旌之爲眾勸裕嘆曰吾豈幸災鬻名者哉元
豐末吏治逋苛甚狂獄繫滿至囚拘徧逆旅裕肝
夕食飲之亦閒得其代輸以出免遠近懷德焉
樊資深字逢源少遊汴問學於司馬文正公皇祐
初中拔萃異科授潞州別駕致歸里潺爲人剛介
博通經史周恤嫻族鄉有貧無食死無棺者舉力
濟助之

張暈字友奐紹興初邑盜倂擾詔遣觀察使李貴

討之召暈爲嚮導積功補散官乾道八年江西大
旱暈獻粟助賑不受賞帥臣以聞授閣門祇候差
任本州兵馬都監賜璽書褒嘉比以漢卜式秩至
武義郎暈樂施予居鄉造橋梁整道路費以億萬
計從子鋼登第著績聞

文周字次莊初爲京庠弟子後奮身武衛捕盜有
收復郡縣功授成忠郎江淮節度判官陞處制使
子進淳熙中任寶錄檢討

元劉綸字子綸琚字子琚同父昆弟也蚤自樹立
見義勇爲無少回撓至正壬辰兵起淮甸蔓延江

南西諸郡山藪之氓相誘脅爲盜綸琚脅謀以賞募勇敢率家僮雜行伍分屯要害列狀白府府檄綸同知本州事屯大沙琚以廬陵尹屯西江市安成寇猝至綸率眾殲之幾盡城賴以全大沙當永新孔道綸擒倡亂者斬首以徇水陸由是獲通西江市據安成廬陵要衝盜出沒伺閒奔突得琚一時靖息邑小塢坑有逆奴謀其主之產盡主室之人殺之惟一孫獲免琚捕而磔之梟諸市梏其渠以獻之府惡黨因是大惕患遠近安堵明年殘盜復乘峒寇出騷因肆劫無忌琚復捕戮之陳其尸

境上田野井靖甲午大饑民有囊金珠易斗粟不可得者窶餓立就斃琚悉發其廩賑之室人交謫弗顧也府使至境上立賞格捕賊邏卒欲冒賞至縛治麥之農數輩爲俘將就戮琚閱其非辜抗辭立辨釋之是時琚兄弟方以定輯一方爲己任會江西失守諸郡縣相次陷沒兄弟度勢不可支綸徙避廬陵琚歸匿上麓山中督耕織以足衣食絕口不一言時事矣

大明尹堅字潮春修幹多力元末兵亂從豪帥據贛州授兵馬指揮開平常忠武之下江西也兵始

成列潮春卽乘高飛鉅石超傷忠武頰翌日城降
潮春匿不敢出忠武搜得之召慰曰好男子當如
是畱置幕下還 朝獻之 上命武士四輩與角
技力皆不及乃以爲殿直將軍外國貢名馬號撞
倒山奚官近之輒人立莫敢鞚 上以命潮春乃
立市樓使人引馬過其下自提囊沙四百斤下壓
之徐施鞍勒馬因以馴調從大兵攻燕京執長刀
突陣兩手分擒元金符二將啣刀躍馬而馳元兵
辟易莫敢近以功累官至武畧將軍祥符衛鎮撫
誥詞稱其克襄陽於上流拔秦鄭之重地及淮而
恢汴洛封疆潼華咸歸功勤斯著其勇畧可槩見
矣

耄史曰余少從鄉老長游聞其談往代興衰之故
未嘗不慨然於君臣之際也嗟乎忠義出人之性
有如必食上祿而後思死其事則君臣之倫敦久
矣今觀邑所稱諸忠義士獨左譽僅任一景陵尉
差有封疆之寄餘多田隴偏起之人耳豈忠義顧
在草野不在朝著邪無亦君臣之倫締人心不可
以易地解也往聞宋社將屋邑八族從震龍起義

上報宋德於溘危之日至駢首甘夷滅不悔此宜
有要納於後先者乃劉槃任宋制帥受寵恩蒙眷
託非常一旦叛君降狄忍爲宋逆賊突引寇兵屠
陷其宗邑幾亡噍類著罪通天欲比八姓之狗彘
得乎余是以特附論左方便後世存永鑒焉

孝友

唐張志字信道其父好仙志甫生卽棄家歷游諸
名山冀有所遇久之竟卒嶺表志時方七齡訃聞
號慟弗已要所親徒步三千里奉父喪以歸葬閭
里驚異因呼其所居之中洲爲孝子里

永新縣志卷之五

七

顏詡魯公後少孤事繼母以孝聞兄弟聚居一門
千指治家嚴肅男女異行少長無失序季父據里
人桑起訟邑令以聞詡詡出已緡償之惇行友恭
中外睦輯所居賓客常盈座詡欸應一無懈色雖
沖孺亦爲之束帶盡敬手書博奕論以戒子弟之
荒於學者從子儼登淳化第今平原搗石諸顏皆
其後云

宋吳瓘字伯玉唐史臣兢之裔祖爲邑簿因家縣
南連岡族大繁衍瓘善睦輯之時以孝弟稱蘇軾
薦入史局後除徐州通判卒

歐陽杲字彥昭性純孝侍父疾數月衣不解帶藥必親嘗乃進試隆興特科受全州錄事

彭千里字時舉生四歲而孤每聞母語其父事輒號慟欲絕母年八十餘事之曲極誠孝既沒負土成墳周文忠公爲文表之邑令張大正傳其事以子龜年貴封承務郎

譚觀光字元賓性至孝居喪廬墓有白兔白鹿之祥後登政和八年進士弟紹先學先竝以孝稱紹先字顯仲幼通敏嗜學事繼母如其所生母前夫之子來歸紹先分貲畀之友愛無間同產荒歲

有棄子於道者爲收飼之迨豐乃還其父母脫人於厄卻其謝人稱長者

學先字信仲幼孤事兄如父始終不少懈嘗出貸賑歲饑輸藥以救癘疫人多賴活又售邑西隙地爲蒿里以子煥貴封文林郎

周平一字正寬其先吉水人靖康倣擾避地邑勝鄉家焉淳熙乙未特科迪功郎奉嶽祠平一事親至孝邑士劉明老輩敘其孝行將聞郡請旌於朝平一力止之

段雲甫嘉祐閒以明經授衡州儒學正居母喪三

年未嘗見齒後居父喪亦如之祭葬率循古禮邑人以為難

劉應誠字信道家窶甚形家或勸其改墓應誠泣曰窶窶死忍震坏土徼福邪居亡何朱草產塋畔以子明老貴贈朝散郎

劉鑑字光國性至孝父公權以哭親喪明光國侍几杖三十年亡少懈父没勺水不入口者七日殯葬不違禮以子洙貴贈宣教郎

江文卿端平閒母病革不可療文卿割股和藥以進病隨愈邑令以聞表其門

元劉格喪父哀慟執古制既葬廬墓側朝夕悲號饑寒不自恤邑士閱其志題所居廬曰懸思今所居稱懸思里

湯德明五歲喪父元末偽相周安據永新天兵下邑德明同母劉氏隨軍入袁州指揮韋富家富調守遼東德明從行遂失母所在旦夕號慟籲禱富憐之乃資遣俾還袁州袁人無識者歸永新問知母依親調鳳陽比至所親又調護衛北平乃復徒步追求竟得焉母子不相見三十年德明迄全其養劉年八十五乃卒邑人士為詩文傳其事

大明左興兒暮之後也祖文郁任高郵河泊官永樂中爲民以負魚課錢徵詣京師邁疾醫療罔效興兒剖股以進病隨愈事聞 詔旌表門閭復其家

尹相字德輔童子時選肄學宮久之棄去卷其學教誨鄉閭所至必勉以倫誼人多信從之性篤孝撫諸弟白首無閒言中歲自築室以居悉推父產讓諸弟或諷其非遺後計笑弗應弟有失僮僕者捐己貲買僕婢給其使後僕死弟嫁其婢私納直終弗問踰壯喪室迄老不更娶里人舉爲處兄弟

夫婦法嘗夜涉澗水有巨蟒適下澗束纏其足相仰天默祝蟒忽自解去人以爲有陰感焉以孫臺貴贈吏部侍郎

李鬢字民秀性端方事父母至孝能以行誼表率其族里人竝尊信之有不善惟恐其或知也迨病鄉人竝持牲酒爲禱於神卒之日莫不悼痛稱其善至今不衰

劉安炎村人幼失恃祖母鞠之及病湯藥供治更久不少懈比劇剖股入饌以進病隨愈督學趙先生嘉獎之邑令陸侯榮爲造其門致旌扁焉

儒行

唐龍況字景荀其先鉅鹿人祖庚天佑中任茶陵令況穎敏博貫經史爲時名儒唐光啟閒鄉舉龍紀閒任大理評事居官仁廉歿遇異僧卜葬義山鹽堆子五人咸以科名顯邑號鹽堆龍云

宋彭進龍字子龍精修厲學粹然有德君子也蚤業詞賦晚深於易屢試國子學從遊甚眾所成造名士多不可勝舉一時推明宿焉

賀弁字德成幼慕聖賢學時二程子過廬陵弁先往受業其慕尙卓偉矣尤工詩郡人祀之詩人堂

永新縣志卷之五

七

後舉祀郡鄉賢祠

張湘博學善古文尤精易學晦菴先生嘗扁其齋曰玩易所著有易解行世

大明賀守約字約束博學好古隱居不仕元末遺老彫謝其以古學爲鄉邑倡者約束耳學者傾嚮之洪武初薦授邑學教諭後改光山學致其事歸約束詩尤贍麗人士至今傳誦之

龍同仁字子元舉元至正鄉舉 明興遂隱遯不仕洪武戊午縣令烏斯道重其行學薦之 朝授邑學訓導觀其所薦之賢而其人抑可知已

劉端字國正少孝友既長刻意厲行博涉經史每
試必先諸士與兄瑞並廩庠有聲甫艾卽退隱遂
以經學教授鄉邑名士多所成造性方嚴不輕假
人辭色門人學子衣冠弗肅弗敢見時邑老宿張
度陳瓚與端爲同時友並以行學著稱後生憚敬
之端乏嗣尙書尹臺其外孫也特祀之於家云
左收字宏用少嗜學慕修古行比貢京師適逆瑾
擅柄廷試四維五術收對策正言無所避授丹陽
訓導舉士之能孝者諷有司旌之事繼母撫異母
弟曲極孝友鄉間誦焉收族孫元勳幼孤力學以

選貢拜宣平令調邵武教授迪士亦有身教之稱
尹爽字用晦少重遲年十七忽自奮曰不學何名
爲人閉戶深研易理泛及諸史百家燿然有聲時
儕中督學邵文莊公一見所試文稱爲國士命校
白鹿書院經籍憲使沈公銳求士爲子師聞其名
特以賓禮迎聘居亡何力求歸沈贈以詩有浩懷
磊落官天地之句一時藩臬加禮重後貢京授吳
縣學訓導士游其門者咸知所嚮往嘗坐諸生柳
下指喻進學之方門人懷之作教思亭以識不忘
給事陸公燾爲記稱比召伯之甘棠焉起躋改訓

杭於潛學同官有携家後至者畏其舍多崇爽以己舍易之士服其正所著有竹莊集以子臺貴贈吏部侍郎有司舉祀郡邑鄉賢祠長子奎

奎字崇文幼聰敏爲文力追古法澹然不以世務嬰心嘗率家族舉鄉約興禮教俗變一新以貢授吳江學訓導申教約嚴課程逾年領鄉薦者九人陞教諭諸暨正身率士一如在吳江日邑令有設屏於先師廟門過輿不下趨者奎嘆曰惡勞廢禮豈示民以敬乎立使人徹之尋卒講解門人私謚爲醇德先生

顏應時字時行性剛介而篤孝友母病吮痰弗瘳哭之至咯血事兄甚敬伯父死理喪償其負撫遺孤如同產以貢授常熟學訓導師範尊嚴士心歸服有石壁遺稿藏之家子鑰

鑰字子啓以鄉薦授山東茌平學教諭在士鮮聞學鑰誘以治心理性之方遠近翕從擢新城知縣弛賦緩刑蝗不爲災改枝江賑饑平獄民愈悅服後歸與弟鑄日以講學善俗相厲勗嘗捐餼直脫同產於獄分俸給諸從昆弟之乏缺者人稱其有完行焉

賀世采字義卿少受學於鄒文莊公守益公異其
穎敏授以所聞於陽明先生者誦服之終身舉鄉
任下邳守清介自勵既歸民追懷之蚤失怙事母
甚孝五弟咸其所鞠撫成立迄白首友愛不衰所
著有景流錄義山莊集

文學

五代胡元龜少廉介有俊才嘗過邑宰宰見其風
貌瓌偉欲窮所學指屏閒戲珠龍索詠元龜立成
有翻身騰白浪撒瓜攪明珠之句意蓋有所諷也
宰大愧服後射策入官授文思房副使

宋何晝少讀書廬山白鹿洞初習進士業試南唐
屢黜乃渡江謁宋祖陳所爲書二十卷開寶壬申
登第官至鳳翔觀察推官以文學有聞於時
張庠字陞卿博通經史嘗著斥蠹正言書以排佛
老作元經圖以推五行六運之祕時名儒鄭獬吳
處厚錢明逸輩皆師事之號白雲先生
江曄字彥明事母稱孝好學工詩宣和中以八行
舉自號轅陽居士有詩集傳世

朱次雲字少游問學該博通五經尤長於聲律以
詩著名江湖閒領涪熙丁酉鄉薦仕爲梧州法曹

所著有東谷樵唱

吳鄴宋末兵亂避仇轉徙山西改姓名張應珍自號義山先生示不忘故也註周易宗程朱而不爲苟同如參天兩地而倚數鄴以爲本義天圓地方圓者一而圍三三各一奇方者二而圍四四合二耦似費擬議蓋五生數之中天數一三五凡參地數二四凡兩故聖人參兩之以倚數八卦之象乾坤天地以大虛言之也震巽天地之長男女爲雷風有氣無形坎離天地之中男女爲水火有形無質艮兌天地之少男女爲山澤有質確定矣其說

頗有據元駙馬都尉高唐郡王闊里吉思嘗從之質疑爲刻其書於平陽路且序其里居爲詳書今藏秘閣

元賀仲善少慕學好文游麟洲水窻二先生之門元至正丙戌授兗州路儒學正適兵亂不及之官隱居青原山中著文詩自娛水窻作綱目書法於仲善所論說多采焉慨吉郡詩人堂圯因以其舊宅建之

龍雲從字子高元末任福建儒學副提舉後竟隱不出性曠達邑守將俞茂禮延之與雲陽李昶同

列上賓祔文爲時所重而子高以詩詞稱盛惜今多無傳矣

樊端可字正夫少從麟洲龍仁夫遊爲人曠達不羈書過目輒成誦工詩歌句法清逸麟洲嘉嘆之龍子高與交善恆曰正夫吾畏友也

大明陳宗舜字材民元至正進士授贛州路儒學教授入國朝典江西文衡洪武中與考會試賜宴殿庭所得多名賢若解學士縉其一也晚家吉水文學爲遠近尊敬

楊瑋字季真博通五經性狷介四明烏斯道宰邑

以文學自任獨於季真加禮重時延請質疑季真素屏跡公門獨爲斯道屈人兩賢之瑋於星經地志尤所精究嘗取尺紙作廣輪圖山川曲折郡邑遠近如指諸掌人以古今圖牒較之無少異云張同字祖年登進士授南京刑部主事歷員外郎中爲人豪曠不羈宦不求達而善古文辭尤長於詩所著有岫雲稿

劉時字本升登成化十一年進士歷官兵部郎中致歸殫心著述文多奇思詩效西崑有介石集人士往往誦傳之

胡錦輅字大載少工詩善行楷爲人倣儻有高況不爲世塵所滓垢領鄉薦入國學祭酒劉公震校其文加賞嘆仕爲右府都事卒子玉領鄉薦除許州學正

徐慶衍字子芳少穎敏與兄慶鍾以所學自相師友慶衍正德丙子鄉薦授知涪安縣政通民宜起躋補貴池適章聖皇太后梓宮南祔過境慶衍行烈日中辦應致疾不起士民如失怙恃慶鍾晚好吟游情棋酒閒不撓外累年九十餘乃卒
隱逸

宋曾若川字巨澤紹興閒以書領江西鄉薦退隱不仕徵五經名儒開義學以延四方材俊前後來學者近千人所成名士甚眾

龍仁仲字德長自少俊邁倔出強記博覽築舍義山下日與鄉老宿觴詠其閒外事了不相涉善詩有義山樵唱若干卷

張熾字仁叔通經史敦行誼始舉鄉睹時事日非卽退隱東山與劉友益胡幼黃輩爲詩文交邑大夫閒以政事往質匿弗見所相與非深知鮮覲其面時語曰南國無威鳳東山有卧龍

文公行字正道性軒豁以詩領涪祐癸卯漕舉隱居固塘不出雅以詩酒自娛信國過邑省族爲扁其堂曰六義貽之以詩子六人並有聞於時元陳煥章字春成一字宗周禾山沙田人明蔡氏書累舉不第隱居白雲峯下絕意進取與吳莘樂湛碧虛爲詩友所著有白雲集雲陽李祁序其人品甚高爲一時所景重學者稱古春先生宋禮字伯循早孤撫其弟友愛元季兵亂雖在奔竄流離中未嘗一日廢問學大明平定天下隱居不出閒從劉雲章游談說理奧至忘寢食作東齋秀溪之上邑大夫政有疑難必往諮決性剛果不妄交人有非輒面斥之多爲眾所憚然亦鮮不心服之

大明段所字原中性峭直高朗善詩居山中鑿池架屋日吟詠自適其閒人稱舫軒先生所著有鷺股集龍心源序之摘其露冷銅盤秋色老天際銀河一絲小之句謂可追李長吉遺調云

龍汝能字禹成少歷艱屯敦行孝友邑屢召賓飲辭以疾劉石潭劉木菴素慎許可獨嘉汝能高致爲傳贊儼以魯申公而稱其不懈先評事之風今

僉事遂乃其玄孫也

甘彥字士美公亮父也幼孤依兄居稍長分授父產多寡無所問教士鄉閭先德行而後文藝故出其門者多知嚮往子亮既貴布素無改於平時按邑後先名哲得君行志顯功名於日月之際若列傳所載焯焯矣中間遭時多故捐軀赴變志行皜然著穹壤臨大節不可奪也此其難不加列傳數等乎次之扶義俶儻施所能以救邦邑危患抑毅然烈丈夫事哉其可使之泯滅無述與孝友生人大紀平世所篤修固亂世出之爲忠節義烈者

也履蹈之以成儒行推考之以稱文學非所謂同條共貫者邪若夫隱居求志不一辱降於去就閒詩所詠衡泌之賢又孔氏所甚錄予者志是以并序列焉將使邑士民因得所誦式不可廣訓勸於不匱也夫

耄史曰余覽郡邑舊志參以校士所近纂續考推諸先民行事自忠節至孝友尙論其世科別之以傳从遠顧僅特書其大者不若列傳之不一書也要之據實不敢少誣焉爾乃余先二世孝友篤行灼灼邑人士耳目所撰次亦祇從眾述微志隱事

弗敢以綴附於序二復茲編蓋至流涕掩卷不可
讀者屢已尙能措一辭其閒也邪

寓賢

唐姚崇字元之陝州硤石人唐宰相世傳元之父
嘗宦蜀中元之從母寓邑畱不去少讀書禾山甘
露寺及元陽觀故寺有其祠而觀側讀書臺墨池
之蹟至今尙存又縣北十里有聰明泉或稱元之
嘗舍泉畔又有姚母塚在舊學左十五步

牛僧孺字思黯涇州鶉觚人世傳思黯祖仕唐爲
幕職自交廣罷歸至郴衡閒爲寇所掠惟思黯母

子獲存遂築舍依姚相故址以居母終葬才德鄉
大學里元和初隨計長安以賢良對策居上第累
官至宰相

論曰永新稱相鄉舊矣獨唐二相寓迹世多疑史
傳缺載而硤石鶉觚去邑數千里而遙不宜游迹
之有及也意舊志殆流俗之軼傳與余不謂然史
載大臣事多據其子孫家狀參之當時所述記二
相徵時履涉子孫家狀必多所諱列矧非其平生
最繫重者史何用殫載焉余考姚傳元之父善懿
貞觀時任壽州都督篤在蜀西南極壤諸番夷徼

道所交也陝去之既遠舟車固難達守將受邊陲
重寄當貞觀嚴辨之朝安敢不以家自隨姚所居
在陝近郊浮河沂江取道入嶺爲順顧上阻洞庭
三峽之險人情所憚避幸其時永新省併於太和
風氣曠僻無郵傳往來之擾擇是以安家室使上
不疑而下便音聞之達計莫有善焉者其後元之
以孝敬挽卽應下筆成章舉所學殆先成於我邑
已今諸讀書遺蹟往往而存抑奚軼傳之足疑邪
或言嶺旼永新絕遠惡睹音聞之便達也夫嶺介
蜀上游踔舟日可數百里自荆舍舟而塗不再旬

卽至我邑比反嶺則取道荆夔以入也險阨亦非
南鄭劍棧之比古今人計度不可千歲坐測乎乃
若思黯柳衡遇盜推舊志尤當無譌史稱思黯祖
紹父幼簡皆宦卑則道出交廣之遠脫患而得茲
土暫安卽前修故址寓居因景企以大成其學抑
可占思黯之志望遠已事豈爲失實者然則二墓
果姚牛之遺以彼貴勢權力豈不能遂遷之往歸
邪余考姚傳元之爲鳳閣侍郎時嘗以母老乞解
職侍養則今所稱姚母墳者似或元之諸母所殯
藏道遠墓可無徙邑重其人故夙識之弗泯耳若

牛母墓在才德鄉大據山川勝秀往聞其隧碑故存歲久頽沒深谿漁者猶能指識其處塚傍故有牛氏之居宋牛安宰邑嘗自序稱爲思黯族閒閱牛氏所藏譜云與其家系牒合則思黯去永新卽擢登制科遺母墓弗徙而畱其支裔守之事殆確然足信據矣抑宋劉相沆嘗有四百年中三出相之詠其傳固昭灼古今本不足置辯以時惑久未解故因詳著之使得覽稽焉

蕭直汴州人世傳唐會昌閒以功封永新縣侯晚遂家焉子昕咸通閒任大理評事孫拱光啓初亦

永新縣志卷之五

三

任大理評事三傳至儼中南唐童科官大理卿

尹灌汴州人仕唐廣明閒爲平南將軍累功封鄱

陽侯黃巢入廣詔改廣州刺史以靖其亂巢平畱

鎮洪州居洗馬池朱溫代唐旣據汴而江南復久

亂濯耻事異姓遂避地永新家焉沒葬縣治西二

百步縣人思其德立祠墓前祀之祠今廢爲城隍

廟裔孫尙書臺率族眾治墓改祠墓北子孫世修

饗焉

張翊京兆人唐光化初授官番禺尉時劉氏據交廣因棄官來居邑中翊善屬文嘗撰二妃廟紫陽

觀及新興佛閣碑甚爲人所稱傳後對策入第授武騎尉弟惟彬中童科擢廬陵令

張德廣名欽青州人唐天復閒授節度推官承討僞刺史彭玕方營寨壘玕卽奔馬殷以功封開國男監永新官滿因家之卒葬勝業鄉之金鰲山數傳至孫暈鋼衣冠接盛情遇明堂恩賜帶邑遂稱爲御帶張家

甘廷珪先世由豐城徙建昌登宋紹興五年進士僉判吉州因家永新之逢橋今其子孫多振顯

元李祁字一初茶陵人元統初舉進士第二人任

永新縣志卷之五

三

元翰林供奉婺源同知遷浙江儒學副提舉後更亂遂避地永新上麓山中隱居不出自號危行老人千戶俞茂閒延致事以師禮經生學子執業問難日接武於庭性恬淡不以物累自撻每遇佳山水輒散步臨眺忘歸意泊如也洪武初卒有雲陽希遠等集行世

列女

五代吳媛唐史臣兢之後歸段氏生子期月而夫卒年二十二父母兄弟憐其少皆欲嫁之媛引釵刺目乃止教子迄至成立韓熙載使江西錄其節

以聞之朝

宋顏氏詡姊段鵠之母也寡居耿介嚴肅鵠才學有聞皆母所訓勵邑人嚴重之

譚烈婦趙氏宋宗室女也德祐末江南既入元永新獨城守不下宋叛帥劉槃引元兵破城趙抱其嬰兒舉家匿邑校大成殿中爲叛兵所執殺其舅姑及夫脅趙使從己不可臨之以刃曰從則生否則死趙罵曰我良家子寧從舅姑與夫死耳豈從爾狗鼠輩生邪遂與嬰兒同遇害血漬殿兩楹八磚間爲婦人抱嬰兒狀磨以沙石不滅復煨以熾

永新縣志卷之五

五

炭狀益顯入我 明事聞 詔立貞烈祠春秋邑長吏蒞祀事

元龍氏左幼白妻年十九幼白爲江西廣洋庫使至元丁丑從元兵攻廣海卒於軍龍氏出貲託親黨迎幼白柩歸葬剪髮誓孀守居喪時嘗折海榴置靈几瓶中旬日枯卉復生因植之庭日長茂翰林承旨歐陽玄爲書榴萱字扁堂楣有司以聞詔旌其閭

李氏浯塘彭九萬妻至正壬辰紅巾寇亂省椽陳先中辟九萬行軍鎮撫九萬馳牒上官嚴設方畧

待之李趣具食勞軍戰大捷寇退居民安堵明年十月湖北五溪苗獠詭辭助順突入城焚掠死者相枕籍李及其子友諒女秀瑛俱被執驅之行不從脅以白刃罵曰狗彘吾死則死耳豈汝從遂母子並遇害

李氏危元真妻年甫二十元真卒李誓守不貳夫家受富人財逼之嫁李引刃欲自殺乃止生一女朝夕共績紡以供食後嫁其女積贏錢萬餘緡建南平石橋

大明劉氏棠市江繼文妻繼文娶劉三年卒子玉

琳生始八月劉守節撫玉琳長勉以學後擢進士有司以聞 詔表其閭年八十餘卒學士楊士奇

暨在朝薦紳大夫皆頌以詩知州柯暹撰貞節碑兩經變碑獨不燬隆慶閒碑後宛然露婦人狀

後嗣怪而磨之不泯人益顯又有劉氏東里周禮妻夫亡年

二十龍氏樟規劉攸妻夫亡年二十三湯氏貢士劉鳳妻夫亡年二十六李

氏樟規劉時妻知縣孔李氏知印賀備妻夫亡年二十一朱氏

千戶萬寰妻夫亡年二十六劉氏李惕妻夫亡年二十一誓守其

而子此七人者有司先後以聞 詔皆旌表其閭

光顯矣其未旌者復有歐陽氏二十餘人焉

歐陽氏適李宗輔年二十而宗輔死無子矢節不
貳夫家貧靡依乃歸與弟姪居育弟之子以終老
族中婦有寡者皆慕效其節多至十數人婦勤苦
自給後搏餘財以修譚烈婦祠及赤欄橋

陳氏廬陵故族其父儀為太守自邑之任過棠市
劉氏以陳許聘其子持陳氏年十八歸焉時持久
痿痺不能成昏禮陳竭力扶持越六歲持卒誓無
更志母給之反舍徐諷曰汝猶未字女也奈何欲
效人為節守耶隣有勢家子密通媒聞使老媪伺
陳意而未敢宣也陳逆虞有他遂乘夜攜二婢走

永新縣志卷五

美

河涘取簪環募舟西反計不得舟則自沉耳適遇
持鄉舟至乃夜左道避偏岸追者不能得竟脫歸
自是閉處一室雖家子弟亦罕覩其面矣陳貌昂
整類偉丈夫然每見男子衣物輒嘔噦不能勝歲
遇夫忌哀哭如始喪日比老猶然年八十六乃卒

又有楊氏 仰山劉文安公子劉 龍氏 劉編修子傅

十左氏 仰山劉稠妻教諭宏 戴氏 環溪尹希重妻

戴嘗碎石香爐誓守外王父 吳氏 莊原龍洪妻夫

腹顧氏 東里廩生張楷妻夫 湯氏 袍陂張綱妻 李

氏 市田彭槩妻夫 曠氏 樟規劉臣妻夫 朱氏 沙溪

亡年二十四

亡年二十一

史琳

妻夫亡年
二十四 賀氏 厚田周潘妻夫亡年十九後其孫嘉怡妻劉氏夫亡亦效賀守節御
史劉陽傳其事 王氏 達鏡賀符妻夫亡年二遭家難守節甚苦 劉氏
士大夫歌詠之 文竹周養清妻夫亡年二十 龍氏 樟規劉慶芳妻夫亡年二十四
一當道下有司歲給布獎之 無子當道嘗 譚氏 朱建吳氏夫亡年二十尹氏西城
賜扁旌之 李溱妻夫亡 史氏 龍瑞妻夫亡 賀氏 彭溥妻夫亡
年二十三 年二十二 年二十四
此二十一人者雖未被褒旌之典然其節固照耀人耳目世共稱敬靡閒然者也中若歐陽氏之惇
婺子立化行族黨陳氏之淬身處女危險不易志
卒皆自振皦白皦然完其節於薏棘中殆古今所
難及矣

論曰詩首國風詠述女婦行事詳已自二南化微末流所及難言焉中間以節行稱柏舟之外蓋無聞至遭亂世能毅然自決於危變尤不一二概見夫致命遂志固烈丈夫之偉事而可求之閨闈笄顰之人與茲邑自吳媛釵目誓義事載前史三百年後乃有譚氏婦其烈與岷嶺王氏相炳耀天顯厥迹於禮殿之楹使之扶世教不泯故其死未幾彭九萬之妻復鬼鬼傳烈聲乃後邑境之以節著揚者多至數十輩儼盛殆過於詩書之世豈非天常在人心不以古今或異其興起之固存乎人邪

按春秋書災不及祥示戒也郡邑舊志故無災變之紀咸淳之異乃特載之宋史中今考入以示天戒而取近歲邑中耳目所共睹聞事附列焉亦庶幾春秋之遺義也夫

古蹟城永新縣故城在縣西三十五里相傳吳寶鼎間築隋省併永新於泰和

城廣興縣故城在縣西八十里南平州故城在縣西二十里

按古今志郡境並無廣興縣名隋改泰和縣為南平州其壞亦不在永新治內二城殊不可考詳必世傳之謬今姑存其名焉蓋舊志所列載而城蹟尚未泯夷故不敢直削去之云爾

永新縣志卷五

无

臺榭讀書臺在縣西八十里書堂嶺半即今元八陽觀側世傳唐姚相舊讀書其上

花臺在縣北世傳五代時劉煦築今廢無存聰明臺在縣北十里後隆山下宋劉楚

公父素鳳凰臺在縣北濠池中宋縣令梅玘築相築今廢適祥鳥至因以名今遺址

尚八角臺在縣治東邑人和豐樓宋淳熙初縣令邵朴建取時和

歲豐義興文閣在舊學後宋令柴必勝建後屢修今廢之詳廟學志中今新學閣仍舊名

知縣龔錫爵鼎建三相堂在舊禾山寺右宋寺僧尚書尹臺為之記三公皆嘗游其地也宋琴亭在

及宋劉楚公者蓋三公皆嘗游其地也宋琴亭在侍講龔源為之記今祠廢而堂無存久矣

西八十里地近書堂嶺世傳姚相嘗游息撫琴聚喜亭在縣外亭臨江水宋政和閒大旱縣令侯彭智

仁亭在舊學詳候僊亭在縣西三十里宋侯彭老前學署志

作亭以候 **八磚亭** 在舊學今譚烈婦新祠後即故

其來因名 **八磚亭** 禮殿右楹血影也前合馮符建

今合龔錫爵復新 **環溪亭** 在學士里官道傍尚書

之榜曰八磚亭 **環溪亭** 尹臺建以使人憇息

空月亭 在今東山寺左僧非空建 **搗石** 在縣北四

村廣四尺長倍之色瑩黛相傳唐顏魯公為吉州

司馬時行部嘗過其地撫此石愛而憇焉謂可搗

衣試扣其聲果清越今更千年土花不蝕後有冒

公裔者竊徙不里許雷雨忽作乃置之去其子孫

居平原者多 **三根樹** 在縣西八十里溶湖村唐魯

稱搗石顏云 **三根樹** 公裔顏詡居其地樹三株鼎

立上至丈餘乃合為一其下可 **眠竹** 在縣北二都

坐十數人歷七百餘歲茂仍故 **眠竹** 相傳宋隱士

曾庭堅遇方外人語玄於此地久之各倦思卧遂

覆篠竹寢其上既覺其人已去竹眠生至今云

墨莊 在縣西六十里龍田宋岳武穆提兵討楊么

穆多其義大書此二 **墨莊** 過境上時有富人劉景暉出粟餉兵一日武

字遺之今墨蹟猶存

宅墓唐二相寓宅

並在縣東北思 **劉楚公宅** 在後

前世傳唐姚相嘗寓居此地後牛相自柳遭寇難

母子復求姚故地居焉築讀書臺其上至宋劉楚

公父素乃即故址築臺曰聰明而宅其下後楚公

母夫人忽夢衣冠丈夫稱牛相公來遂生楚公蓋

三相皆興於此地故至 **唐鄱陽侯尹濯寓宅** 在縣

今名其鄉曰相鄉云 **唐鄱陽侯尹濯寓宅** 西二

百步侯遭唐末大亂避地寓居永新既沒邑人感

侯遺德遂葬侯宅後而以宅之故地建祠祀焉今

祠廢為城隍廟後侯

刺史張鋼宅 在縣東三里 **胡**

裔乃改祠墓北云 **刺史張鋼宅** 中洲之橫江 **胡**

幼黃宅 在縣城外 **水窓先生劉友益宅** 在城西 **三馮**

宅 在縣治西八 **石潭先生劉髦宅** 在縣北五里仰

公所 **馬王墳** 在縣北四十里鍾溪不詳所自出世

生處 **馬王墳** 傳五代時馬殷祖葬焉然殷之先非

出於邑也豈以殷起於湖南地相近而 **姚母墓** 在

東三十五步 牛相國母夫人墓 在縣西南三十里

舊學前左 如侍衛曲澗流波榮迴 鄱陽侯尹灌墓 在侯寓宅

數折而出詳宜德舊志 裔孫尚書臺為 縣令賀憑墓 在縣西 大理卿蕭儼

築墓道立祠 墓 在禾 張德廣墓 距縣南六十里勝業鄉金 劉楚

公沈墓 在縣北七里呂惠卿撰神顏詡墓 在縣北

入都 温塘刺史張鋼墓 在縣北十里周益公必大撰墓

墓前名 鹽堆龍沉墓 在義山下 劉文安公定之墓

日淨覺 在縣北五里吏部尚書彭時撰神道碑兵 左都御

部尚書商輅撰墓表成化戊子奉勅營建

史劉敷墓 在義山上天嶺下宏治 勅營建

僊釋唐匡智長安人貞觀閒棄妻子與姪大郎並

永新縣志卷之五

入廬山修煉居七日有老人謂曰此陰地僊不可

得南有名山陽地也蓋往歸之指導其行至吉州

望見義山神復化為樵夫引示曰此中甚安妥遂

立壇修持積數年忽有僊衣下降智服之雲冉冉

起足下逶巡上昇而去大郎後亦為地僊今義山

南華峯下有僊人龔僊人床諸蹟殆其所居地云

宋無名道者不知何許人紹興閒有建龍華道會

於邑中者時集雲遊士五百餘眾獨一道者坐化

道壇中示偈云萬里雲歸洞千山水向東玉爐香

冷處煙散碧霞中

蕭禪師邑手力也嘗往慶雲寺夜宿聞鄰壁有相
語者云院主明日欲煮我飼蕭手力爾恁地自照
管莫着鷹鷂狐狸打卻蕭起窺乃一鷲對小鷲作
人語耳蕭異之旦朝寺僧果欲殺鷲食手力蕭因
求免乞鷲自歸養後出家得法與鷲同昇化鷲化事甚
幻怪然考茶陵志亦及此
豈地近故其傳相襲邪

慈雲禪師未詳何許人通梵慧遊方至吉州聞水
香曰此上有聖菩提可立錫乃尋沿上流得今名
阿育塔山者掬水飲之曰我此休矣遂依磨箭嶺
結庵居焉日潔志焚誦不怠後傳其昇化今上山

庵乃故址云

葦航長老邑尊勝院僧也戒律精嚴嘗撰金山九
朝齋科緇流誦傳之宋末峒獠燔劫鄉邑殺人盈
城野葦航卽城西東嶽廟建佛事以追拔兵死者
其日天花晝雨枯井涌甘泉豎旛廟後高嶺人因
稱爲旛竿嶺後院廢其手錄科文藏他家遭燹鄉
人於瓦礫中見厚土覆一書開視乃其文也隻字
未損今藏牛田尹氏

元僧天如邑西亭鄉人幼辭俗祝髮入禾山後遊
吳虎丘得中峯宗指精究禪微禾山僧遣其孫徒

迎之天如曰彼中自有打鼓人矣遂不歸善詞賦
與海內名流翰墨相訊靡不重其超詣所著有楞
嚴會解淨土或問天如集雲陽李提舉初臨川危
學士素序之其集今藏在府經歷尹重民家
文道士月堂戒行堅忍性好酒醉則陽罵隱語人
莫能測稱爲文顛凡祈禱晴雨立應後結庵東華
山修煉年八十餘卒
僧無詰出家東山寺性明悟精禪學兼涉儒書工
詩嘗學寫蘭於吳虎丘之雪窻僧其揮灑變態不
啻過焉

大明道士楊玉溪住東華山性朴澹獨嗜酒夷曠
自放於老氏書多通究名士咸樂與之游

僧非空王姓元名醫東野孫也祝髮東山師事無
詰謹戒律善詩歌行草有晉人法學士解公與交
善往來東山不計年禮敬無少衰所著有翠微集

今錄其自題像贊一首

這般模樣不須歌這些丹
青怎能畫水裏火燒空燒

卻人我山貼地都放下有院不會住怕殺東堂罵
有寶波斯不知價七八十年做甚麼從前盡說荒
本有證佐奪些些乾坤清氣不知過禪不參經不課
尋常本分人一個無人問休說破吾儂有曲太平

歌須彌唱
空空和

賀處立字冲微結菴巖山修煉精符訣以治疾祈

禱輒應善吟咏工楷書士大夫多樂與游段不已
爲作冲微高士傳

受峯師白下棲霞寺僧也隆慶初高峯菴僧法明
迎至師事之深究禪旨精修力持老不怠其律戒
時近菴諸村苦鹿兕踐田禾師嘿存驅麾農賴以
有穫萬歷乙亥秋中忽命其徒曰吾翌午欲西遊
矣取水沐浴更衣跌坐微笑而化年八十有九云
女釋宋賀氏永新人嫁同邑江安行有二子既寡
卽不茹葷日誦圓覺經不少輟或勸更誦他經賀
氏曰要知真性本圓本覺出此卽非佛義我非專

誦經者聊寄心耳後子楹登第爲賀州僉判迎母
至官所賀氏忽語其婦曰吾誦經了無夢想近夜
常見瑞光中有貌坐欲昇之未果今閉目便見此
相矣其歲五月沐浴更衣翌旦食罷盥漱忽收足
端坐兩中指結印瞑目而逝家人倉皇召醫已無
及矣郡守范直清帥其屬瞻禮嘆曰大丈夫不能
如此令畫工寫其像惟目睛未點乃禱曰精神全
在阿堵中願賜開示俄兩目熒然子孫扶視皆謂
未死頃間復瞑時年七十七矣雋彥濟記其事
工伎元王東野邑高塚人少精方脉嘗註本草經

兼工詩詠人有疾輒往醫之不責其報任大醫院
御醫故虞文靖公伯生揭文安公俟斯趙文敏公
子昂咸與之交焉

東野醫學後傳邑名醫
曠世儻之高祖處良

唐開元中有內人許和子者本吉州永新樂籍女
也既美且慧開元末選入宮上卽以永新名之首
隸宜春院妙於歌曲能變新聲入古調自韓娥李
延年沒千餘歲曠無繼者至永新始以其能名世
遇高秋朗月臺殿清虛喉嚨二聲響傳九陌明皇
嘗獨召李謨吹笛倚其歌至曲終管裂其妙如此
一日賜大酺於勤政樓觀者數千萬眾誼譁聚語

永新縣志卷之五

五

魚龍百戲之音莫聞上怒欲罷宴中官高力士奏
請命永新出樓一歌誼必可止上從之永新乃舉
步揚袂迴奏曼聲少頃廣場寂若無人權者聞之
氣勇愁者聞之腸絕泊漁陽之亂六宮星散永新
爲一士人所有韋青避地廣陵憑闌河上忽聞舟
中奏水調曲者青曰此殆永新音也乃登舟與對
泣久之青始亦祕其事後士人卒與其母之京師
竟沒於風塵中及絕謂其母曰阿母錢樹子倒矣

出唐樂府雜錄

逸事唐天寶八年冬十月山人王元翼上言嘗見

玄宗皇帝示言永新梅田山下有寶僊聖洞中藏
妙寶真符上詔庭臣張均輩祠求之山有寶僊聖
洞之名始此

宋劉楚公生時近村出紫霧氣氤氳三日不絕人
至今呼其地爲紫霧原

楚公生七八歲自題其所居室壁云虎生三歲便
窺牛獵食寧能掉尾求年少不攀青桂去也須從
伴赤松游其幼小志氣超異矣

宋仁宗命楚公使契丹虜館伴使餞之郊口徐詠
云有酒如澠縮行人而不駐楚公卽應聲曰在北

永新縣志卷之五

五

曰狄吹出塞以何妨蓋虜以澠比繩戲公而公以
狄爲笛應之抑可稱神捷矣未幾虜使報聘愬南
使語不遜仁宗爲出楚公於外而心實多之

宋末隱士陳森翁築真隱亭於冷泉巖掘地得劍
有鏤文詩末二語云男兒慷慨平生事時獨挑燈
把劍看下書大元二字莫詳所謂未幾胡元入主
中夏其讖兆蓋先見焉

馮魯山少時市故書於肆中得遺琲珠數十求其
人歸之又嘗有友人繫獄罪當死乃爲之出數萬
緡得活終不自名一錢人服其義

水窻劉先生宋末將赴省試夜忽見天若有崩裂狀歎曰天下事不可爲矣遂反歸道遇神卒挾一冊問所如往卒曰吾奉上帝命攝諸應死者出手冊示之冊首卽先生名下註三刀下死神卒曰吾視若乃善士爲若改下爲不遂去無迹先生自是避山中一日出往邑城遇元兵猝至死者狼籍道路先生乃伏匿亂屍中被賊斫三刀幸未絕脛得善藥越夕始蘇人咸謂天活焉

劉槃之祖公權光國仍世相繼以孝聞父洙兄槃亦廉勤振聲一時槃始用武起家其敗布憐吉拒荅合赤及禦搭卒於襄樊間人方交壯其能超知岳州度宗召對御前大期以非常尋擢制帥任用軼出等倫乃一旦時移事改逆節橫著無復人理夷陷宗邑屠滅忠族有古今大盜所不忍爲者父兄數世禮教斬絕茂無遺存矣夫朱五經之子爲溫柳下季之弟爲跖人性近而習遠豈恒道之可推哉覽善惡於興亡之際吾安得不爲槃大哀也夫

解春雨學士作西游集序稱其友康以寧吉之永新人洪武甲子舉進士爲太平府推官謫居橫浦

二十年每歲粹其迎送序述及他文詩爲斯集期以考今昔問學之得失焉末乃重美以宐有得於邑先輩吳莘樂先生之遺緒故其文不求工而自工可以追昔廬陵諸名賢之盛夫以春雨震凌一代之奇才而以宐乃得與之爲友卽所推獎云者其人豈易及哉進士肇科於洪武辛亥中間禁不開十又三年至甲子議復其典而以宐幸衰然拔升於其時所遭遇亦殊特已乃郡邑諸志罔不一登載并其科名湮泯之何與今永新非獨不知有以宐抑且并康姓無聞傳矣

或稱康氏世居邑屏山下以宐卽其地產

永新縣志卷之五

美

云今讀春雨之文甚悲之因歎志所遺缺非一事而此其尤甚者耳

按洪武甲子更制鄉試乙丑會試解云甲子必并鄉會書之耳

劉石潭先生所居近官道且偶出得遺金數十先生坐竢其人至以歸之其人磕首謝願分半遺先生先生峻卻之時先生方甚食貧乃一介不輕取如此人固卽小可觀其大云

劉文安公母夫人畱氏邑虎溪田家女也始石潭先生年二十餘弗嗣余高王父帥正翁與先生故友善因勉以副室計先生曰吾亦念是久矣奈何帥正翁曰虎溪田家畱媪有三女長者年及笄矣

而尙未有聘者先生領之翁歸乃謀之高王母劉夫人旦日高王母託通家相好故期會先生之適室楊夫人於虎溪密約夫人袖釵環爲女聘而勿令其媼知之至則已有陰泄之者矣媼長女遂先匿後山松樾中弗可召高王母乃躡語楊夫人曰今所見次者雖差少然固甚俊拔解人意取聘移之不可乎楊夫人深然之高王母乃起執次女袂曰吾固知若福女也卽以釵環強加焉踰年遂生文安公後畱氏累被封褒四子二女並貴顯出入禁闈享其榮盛數十年年近九十乃卒福女之云

永新縣志卷之五

三

豈虛哉初村有玉女祠自畱生而祠圯不可復葺人謂非偶然之故者今小說妄載先生納水漂女重誣先正所自出不可無辨故特詳著之

往正統景泰閒北陲旣絀禍閩粵復數興兵事四方兼繁水旱盜賊之憂於是 詔所在民出粟應上有輸多至二千餘石者署以郎散秩 賜璽書褒異之次亦榮之冠服稱義民焉時吾永新之民則有賀祈年劉彥武李希勉汪英德胡子圭輩皆以上例特膺 綸獎加署秩次爲冠帶義民者且數十人舉一僻邑而天下可知已夫當國難薦棘

之時一時嚮義之盛如此而民之富厚固亦緣是
可知知己所謂百姓足而君無不足茲非其明效
大驗歟

嘉靖閒舊學一夕大雷雨文廟災邑中士大夫以
時學科方屢乏重有此變學不容無遷而未知所
卜擇數歲尙書臺以南祭酒還省掃始議定今址
先是客有過宿學鄰汪潛家者夢門外歸有所建
問之曰此五聖賢堂也客晨起賀潛曰君家殆有
興乎爲書飛白大字遺之既學宮遷而其夢乃益
播人耳始知五聖賢固非夫子及四配莫可當也

永新縣志卷之五

甲

事先定豈偶然也哉

今禮殿及興文閣址潛嘗捐私土助成之

芮子忠素以義顯學宮圯忠曰余得効力宮墻瞑
目矣畢晝與夜浹月廟貌隆然邑長學師曰異人
也除夕遊市上拾數千金候其人於市夜分不歸
失者號而至挈還之遠近呼爲義癡年九十五卒
人以爲德壽云